


漢書門
 類 號 函 冊
 一 五 八 六
 二 一 九 六
 六 二 一 六

內閣文庫
 漢書
 類 號 函 冊
 一 五 八 六
 二 一 九 六
 六 二 一 六


內閣文庫
 漢 11586
 冊數 62 (36)
 函號 274 82





几筵之禮本紀

牖間南嚮。敷重茂席。黼純。華玉仍几。西序東嚮。敷重
底席。綴純。文貝仍几。東序西嚮。敷重豐席。畫純。雕玉
仍几。西夾東嚮。敷重筍席。玄粉純。漆仍几。顧命
司几筵。大朝覲。大享射。封國命諸侯。王位設黼依。依
前南嚮。設筮筵。粉純。加纁席。畫純。加次席。黼純。左右
玉几。祀先王。昨席亦如之。
諸侯祭祀。席蒲筵。績純。加莞席。紛純。右彫几。昨席莞
筵。紛純。加纁席。畫純。筵國賓於牖前。亦如之。左彤几。



禮記卷之八

卷之八

七

甸役則設熊席。右漆几。喪事設葦席。右素几。其柏席用萑。黼純。諸侯則紛純。每敦一几。吉事變几。凶事仍几。已上周禮

尊彝之禮本紀

司尊彝。掌六尊六彝之位。春祠夏禴。裸用鷄彝。鳥彝。皆有舟。其朝踐用兩獻尊。其再獻用兩象尊。皆有罍。諸臣之所昨也。秋嘗冬烝。裸用斝彝黃彝。皆有舟。其朝獻用兩著尊。其饋獻用兩壺尊。皆有罍。諸臣之所昨也。凡四時之間祀。追享。朝享。裸用虎彝。雌彝。皆有舟。其朝踐用兩大尊。其再獻用兩山尊。皆有罍。諸臣之所昨也。六彝六尊之酌。鬱齊獻酌。醴齊縮酌。盎齊泂酌。凡酒

修酌。大喪大旅存奠。燹。

鬯人祭社。壝用大罍。祭門用瓢。齋廟用修。山川四方用蜃。裸事用概。鬻事用散。大喪之大泚。設斗共鬯。鬯齊事共秬鬯。吊臨共介鬯。已上周禮

鹵簿之禮統紀

漢制。皇帝居黃屋。左纛。鸞旗在前。屬車在後。翠鳳之駕。旌旗車旄頭。先驅駟乘。有大駕。有法駕。有小駕。大駕則公卿奉引。大將軍駟乘。太僕御。屬車八十一乘。作三行。尚書御史乘之。最後一乘。垂豹尾。豹尾前。皆為省中。備千乘萬騎。出長安。祠天於甘泉。備之。唐制。天子居曰衙。行曰駕。皆有衛。有嚴。羽葆。華蓋。旌旗。罕畢。車馬之眾盛矣。皆安居而不譁。人君舉動必以扇。出入必撞鍾。庭設樂宮。道路有鹵簿鼓吹。禮官

百司必備物而後動。凡朝會之仗。三衛番上分爲五仗。一曰供奉仗。二曰親仗。三曰勳仗。四曰翊仗。五曰散手仗。輦有七。一曰大鳳輦。二曰大方輦。三曰僊遊輦。四曰小輕輦。五曰芳亭輦。六曰大玉輦。七曰小玉輦。輦有三。一曰五色輦。二曰常平輦。三曰腰輦。大駕鹵簿先五路以行。

天子將出。大樂令設宮懸之樂於庭。侍中奏請中嚴。有司陳鹵簿。諸衛以次陳殿庭。既外辨。太僕卿升執轡。乘輿以出。天子升路。太僕卿授綬。黃門侍郎前奏。

請發鸞駕。動警蹕。鼓傳音。玉金象木革五路。皆有副。車有指南。記里鼓等。十二乘。輿有相風。行漏。腰輿。輦有大輦。方輦。小輦。以旗計者二十有七。有青龍。白虎。辟邪。應龍之類。以隊計者七。有清游。朱雀。步甲。持鈇之目。以兵計者。自金吾。果毅。飲飛。至衙門左右廂。凡大駕一千八百三十八人。分爲二十四隊。列爲二百十四行。仗則有黃麾仗。細仗。儀刀仗。受仗。衛則有親勳。翊衛。散手衛。儀物有曲直華蓋。六寶香燈。大繖。雉尾障扇。花蓋。先輦團扇之屬。戎器有鈇戟。弓箭。橫刀。

褌。稍。儀。刀。班。劍。黃。鉞。楯。積。弩。黑。鍪。甲。之。屬。服。飾。有。平
 巾。幘。袷。襖。襦。襜。褕。大口。袴。朱。綠。緌。綬。紛。武。弁。朱。衣。革。帶。赤
 綦。襖。紫。誕。帶。之。屬。鼓。吹。有。柎。鼓。金。鈺。大。鼓。長。鳴。鐃。鼓。
 大。橫。吹。笛。簫。箏。篥。大。角。之。屬。凡。五。部。七。十。五。曲。
 宋。制。宋。初。因。唐。五。代。之。舊。其。殿。庭。之。儀。則。有。黃。麾。大
 仗。黃。麾。半。仗。黃。麾。角。仗。黃。麾。細。仗。凡。正。旦。冬。至。五。月
 一。日。大。朝。會。大。慶。冊。受。賀。受。朝。則。設。大。仗。月。朔。視。朝。
 則。設。半。仗。外。國。使。來。則。設。角。仗。發。冊。受。寶。則。設。細。仗。
 其。鹵。簿。之。等。有。四。一。曰。大。駕。郊。祀。大。享。用。之。二。曰。法

駕。方。澤。明。堂。宗。廟。籍。田。用。之。三。曰。小。駕。朝。陵。封。祀。奏
 謝。用。之。四。曰。黃。麾。仗。親。征。省。方。還。用。之。
已上文
獻通考


營建之禮本紀

惟太保先周公相宅。越若來。三月。惟丙午朏。越三日
 戊申。太保朝至于洛。卜宅。厥既得卜。則經營。越三
 日。庚戌。太保乃以庶殷。攻位于洛汭。越五日。甲寅。位
 成。越翌日。乙卯。周公朝至于洛。則達觀于新邑營。
 越三日。丁巳。用牲于郊。牛二。越翌日。戊午。乃社于新
 邑。牛一。羊一。豕一。越七日。甲子。周公乃朝。用書。命
 庶殷侯甸男邦伯。厥既。命庶殷。庶殷丕作。召誥
 王如弗敢。及天基命。定命。予乃胤保。大相東土。其基。

作民明辟。予惟乙卯朝至于洛師。我卜河朔黎水。我乃卜澗水東。瀍水西。惟洛食。我又卜瀍水東。亦惟洛食。佯來以圖及獻卜。王拜手稽首曰。公不敢不敬天之休。來相宅。其作周匹。休公既定宅。佯來來示予卜。休恒吉。我二人共貞。公其以予萬億年。敬天之休。拜手稽首。誨言。洛誥
秩秩斯干。幽幽南山。如竹苞矣。如松茂矣。似續妣祖。築室百堵。西南其戶。爰居爰處。爰笑爰語。約之閣閣。椽之橐橐。風雨攸除。鳥鼠攸去。君子攸芋。如。

跂斯翼。如矢斯棘。如鳥斯革。如翬斯飛。君子攸躋。殖殖其庭。有覺其楹。噲噲其正。噦噦其冥。君子攸寧。小雅

揀之陜陜。度之薨薨。築之登登。削屨馮馮。百堵皆興。鼙鼓弗勝。廼立臯門。臯門有伉。廼立應門。應門將將。廼立冢土。戎醜攸行。篤公劉。逝彼百泉。瞻彼溥原。廼陟南岡。乃覲于京。京師之野。于時處處。于時廬旅。于時言言。于時語語。篤公劉于京。斯依。蹇蹇濟濟。俾筵俾几。既登乃依。乃



造其曹。執豕于牢。酌之用匏。食之飲之。君之宗之。大雅
 徂來之松。新甫之栢。是斷是度。是尋是尺。松栢有鳥。
 路寢孔碩。新廟奕奕。奚斯所作。孔曼且碩。萬民是若。
 魯頌

春新作南門。

春秋僖公二十年

新作雉門及兩觀。

定公二年

營建之禮統紀

晉平公春築臺。叔向曰不可。古者聖王貴德而務施。緩刑辟而趨民時。今春築臺。是奪民時也。乃罷役。楚靈王爲章華之臺。與伍舉升焉。曰臺美夫。對曰夫美也者。上下外內大小遠邇。皆無害焉。故曰美若聚民利以自封。而瘠民也。胡美之爲。先王之爲臺榭也。榭不過講軍實。臺不過望氛祥。故榭度於大卒之居。臺度於臨觀之高。其所不奪穡地。其爲不匱財用。其事不煩官業。其日不廢時務。瘠磽之地。於是乎爲之。

城守之木。於是乎用之。官寮之暇。於是乎臨之。四時之隙。於是乎成之。今君爲此臺也。以瘠民。臣不知其美也。

齊宣王爲大室。大蓋百畝。堂上三百戶。三年未能成。羣臣莫敢諫者。香居問宣王曰。王爲大室。三年不能成。而羣臣莫敢諫者。敢問王爲有臣乎。王曰。爲無臣。居曰。臣請避矣。趨而出。王曰。香子畱。何諫寡人之晚也。遽召尙書曰。書之。寡人不肖。好爲大室。香子止。寡人也。

魏王將起中天臺。令曰。敢諫者死。許綰負鍤入。曰。聞大王將起中天臺。臣願加一力。王曰。子何力有加。綰曰。雖無力。能商臺。王曰。若何。曰。臣聞天與地相去萬五千里。今王因而半之。當起七千五百里之臺。高旣如是。其趾須方八千里。盡王之地。不足爲臺趾。王必先伐諸侯。盡有其地。不足。又伐四夷。得方八千里。乃足以爲臺趾。林木人徒。倉廩數以萬億。度八千里之外。當定農畝之地。足奉給王之臺者。臺具以備。乃可以作。魏王默然無以應。乃罷。

趙文子爲室。斲其椽而礱之。張老夕焉而見之。不謁而歸。文子聞之。駕而往曰。吾不善。子亦告我。何其速也。對曰。天子之室。斲其椽而礱之。加密石焉。諸侯礱之。大夫斲之。士首之。備其物。義也。從其等。禮也。今子貴而忘義。富而忘禮。吾懼不免。何敢以告。文子歸。令之勿礱也。匠人請皆斲之。文子曰。止。爲後世之見之也。其斲者。仁者之爲也。其礱者。不仁者之爲也。秦始皇作前殿阿房。東西五百步。南北五十丈。上可坐萬人。下可建五丈旗。周馳爲閣道。自殿下直抵南

山。複道渡渭。屬之咸陽。隱宮徒刑者七十餘萬人。關中計宮三百。關外四百餘。

漢高祖見蕭何治未央宮。甚壯麗。怒曰。天下匈匈。數歲成敗。未可知。是何治宮室過度也。何曰。天下方未定。可因以就宮室。且天子以四海爲家。非壯麗無以重威。且無令後世有以加也。

文帝欲作露臺。召匠計之。直百金。上曰。百金。中人十家之產也。吾奉先帝宮室。常恐羞之。何以臺爲。武帝起栢梁臺。作承露盤。高二十丈。大七圍。以銅爲

之。上有仙人掌承露和玉屑飲之。云可以長生。宮室之修日盛。

武帝栢梁臺災。越人勇之曰。越俗有火災。復起屋必以大用勝服之。於是作建章宮。度爲千門萬戶。東鳳閣。西虎圈。北太液池。中有漸臺蓬萊方丈瀛洲壺梁。南玉堂璧門。立神明臺井幹樓輦道相屬。

明帝欲起德陽殿。鍾離意諫。卽用其言。後乃復作之。殿成。謂羣臣曰。鍾離意尚在。不得成。此殿也。

晉孝武初。謝安欲增修宮室。王彪之曰。中興之初。卽

東府爲宮。殊爲儉陋。蘓峻之亂。成帝止蘭臺都坐。不蔽寒暑。是以更營新宮。比之漢魏則爲儉。比之初過江。則爲侈矣。今寇敵方彊。豈可大興功役。勞擾百姓耶。

隋文帝仁壽宮成。見制度壯麗。大怒。曰。楊素殫民力爲離宮。爲吾結怨天下。素慮獲譴。以告封德彝。德彝曰。公勿憂。俟皇后至。必有恩詔。明日果召素。獨孤后曰。公知吾夫婦老。無以自娛。盛飾此宮。豈非忠孝。賜錢百萬。

唐太宗修洛陽宮。備巡幸。張玄素諫曰。陛下初平洛陽。凡隋氏宮室之宏侈者。皆令毀之。曾未十年。復加營繕。何前日惡之。今日效之也。且以今日財力。何如隋世。陛下役瘡痍之民。襲亡隋之弊。恐又甚於煬帝矣。太宗謂玄素曰。卿謂我不如隋帝。何如桀紂。對曰。若此役不息。亦同歸于亂耳。太宗曰。吾思之不熟。乃至於是。顧謂房玄齡曰。朕以洛陽土中。朝貢道均。意欲便民。故使營之。今玄素所言。誠有理。宜卽爲之罷役。後日或以事至洛陽。雖露居。亦無傷也。仍賜玄素

綵二百匹。

房玄齡高士廉問竇德素。北門近何營繕。德素奏之。太宗怒。讓玄齡等曰。君但知南牙政事。北門小營繕。何預君事。玄齡等拜謝。魏徵進曰。臣不知陛下何以責玄齡等。而玄齡等亦何所謝。玄齡等爲陛下股肱耳目。於中外豈有不應知者。使所營爲是。當助陛下成之。爲非。當請陛下罷之。問於有司。理則宜然。不知何罪而責。亦何罪而謝也。太宗甚愧之。宋太祖詔曰。聞諸道藩鎮郡邑公宇。及倉庫。凡有隳

壞弗卽繕修。因循歲時。以至頽毀。及孱工充役。則倍增勞費。自今治所廨舍。有無隳壞。及所增修。著以爲籍。迭相符授。幕職州縣官受代。則對書於考課之曆。損壞不全者。殿一選。修葺建置而不煩民者。加一選。

已上二
十一史

學校之禮本紀

倬彼雲漢。爲章于天。周王壽考。遐不作人。

棫樸

肆成人有德。小子有造。古之人無斃。譽髦斯士。

思齊

思樂泮水。薄采其芹。魯侯戾止。言觀其旂。其旂旒旒。

鸞聲噦噦。無小無大。從公于邁。思樂泮水。薄采其藻。

魯侯戾止。其馬蹻蹻。其音昭昭。載色載笑。匪怒伊教。

思樂泮水。薄采其茆。魯侯戾止。在泮飲酒。旣飲旨酒。永錫難老。順彼長道。屈此羣醜。

泮水

天子命之教。然後爲學。小學在公宮南之左。大學在

郊。天子曰辟雍。諸侯曰頹宮。

司徒修六禮以節民性。明七教以興民德。齊八政以防淫。一道德以同俗。養耆老以致孝。恤孤獨以逮不足。上賢以崇德。簡不肖以綏惡。

命鄉簡不帥教者以告耆老。皆朝于庠。元日習射。上功習鄉。上齒。大司徒帥國之俊士與執事焉。不變。命國之右鄉簡不帥教者移之左。命國之左鄉簡不帥教者移之右。不變。移之郊。不變。移之遂。不變。屏之遠方。終身不齒。

命鄉論秀士。升之司徒。曰選士。司徒論選士之秀者而升之學。曰俊士。升于司徒者不征于鄉。升于學者不征于司徒。曰造士。

樂正崇四術。立四教。順先王詩書禮樂。以造士。春秋教以禮樂。冬夏教以詩書。

王太子。王子。羣后之太子。卿大夫元士之適子。國之俊選。皆造焉。凡入學以齒。

將出學。小胥大胥小樂正簡不帥教者以告于大樂正。大樂正以告于王。王命三公九卿大夫元士皆入。

學。不。變。王。親。視。學。不。變。王。三。日。不。舉。屏。之。遠。方。西。方。曰。棘。東。方。曰。寄。終。身。不。齒。

大。樂。正。論。造。士。之。秀。者。以。告。于。王。而。升。諸。司。馬。曰。進。士。司。馬。辨。論。官。材。論。進。士。之。賢。者。以。告。于。王。而。定。其。論。論。定。然。後。官。之。任。官。然。後。爵。之。位。定。然。後。祿。之。制王凡。學。世。子。及。學。士。必。時。春。夏。學。干。戈。秋。冬。學。羽。籥。皆。於。東。序。

小。樂。正。學。干。大。胥。贊。之。籥。師。學。戈。籥。師。丞。贊。之。胥。鼓。南。

春。誦。夏。弦。大。師。詔。之。瞽。宗。秋。學。禮。執。禮。者。詔。之。冬。讀。書。典。書。者。詔。之。禮。在。瞽。宗。書。在。上。庠。

凡。祭。與。養。老。乞。言。合。語。之。禮。皆。小。樂。正。詔。之。於。東。序。大。樂。正。學。舞。干。戚。語。說。命。乞。言。皆。大。樂。正。授。數。大。司。成。論。說。在。東。序。

凡。侍。坐。於。大。司。成。者。遠。近。間。三。席。可。以。問。終。則。負。牆。列。事。未。盡。不。問。

凡。學。春。官。釋。奠。於。其。先。師。秋。冬。亦。如。之。凡。始。立。學。者。必。釋。奠。於。先。聖。先。師。及。行。事。必。以。幣。

凡釋奠者必有合也。有國故則否。凡大合樂必遂養老。

凡語於郊者必取賢歛才焉。或以德進。或以事舉。或以言揚。曲藝皆誓之。以待又語。三而一有焉。乃進其等。以其序。謂之郊人。遠之於成均。以及取爵於上尊也。

始立學者。既興器用幣。然後釋菜。不舞。不授器。乃退。實於東序。一獻。無介語可也。教世子。文王世子玉不琢不成器。人不學不知道。故古之王者。建國君

民。教學為先。

古之教者。家有塾。黨有庠。術有序。國有學。比年入學。中年考校。一年視離經辨志。三年視敬業樂羣。五年視博學親師。七年視論學取友。謂之小成。九年知類通達。強立而不反。謂之大成。

大學始教。皮弁祭菜。示敬道也。宵雅肄三。官其始也。入學鼓篋。孫其業也。夏楚二物。收其威也。未卜禘不視學。游其志也。時觀而弗語。存其心也。幼者聽而不問。學不躐等也。七者教之大倫也。

凡學官先事士先志。

大學之教也。時教必以正業。退息必有居學。不學操
縵不能安絃。不學博依不能安詩。不學雜服不能安
禮。不興其藝不能樂學。故君子之學也。藏焉修焉。游
焉息焉。雖離師傅而不反也。

今之教者。呻其佔畢。多其訊言。及于數進而不顧其
安。使人不由其誠。教人不盡其材。其施之也悖。其求
之也佛。夫然故隱其學而疾其師。苦其難而不知其
益。雖終其業。去之必速。教之不刑。

大學之法。禁于未發之謂豫。當其可之謂時。不陵節
而施之謂孫。相觀而善之謂摩。此四者教之所由興
也。

發然後禁。則扞格而不勝。時過然後學。則勤苦而難
成。雜施而不孫。則壞亂而不修。獨學而無友。則孤陋
而寡聞。燕朋逆其師。燕辟廢其學。此六者教之所由
廢也。

君子之教喻也。道而弗牽。強而弗抑。開而弗達。道而
弗牽。則和。強而弗抑。則易。開而弗達。則思。和易以思。

可謂善喻矣。

人之學也。或失則多。或失則寡。或失則易。或失則止。教也者。長善而救其失者也。

善歌者使人繼其聲。善教者使人繼其志。其言也約而達。微而藏。罕譬而喻。可謂繼志矣。樂記

鄭人游於鄉校。以論執政。然明謂子產曰。毀鄉校如何。子產曰。何為。夫人朝夕退而游焉。以議執政之善否。其所善者。吾則行之。其所惡者。吾則改之。是吾師也。若之何毀之。左傳

學校之禮統紀

公卿之元子。大夫元士之適子。十有三年始入小學。見小節焉。踐小義焉。二十入大學。見大節焉。踐大義焉。入小學。知父子之道。長幼之節。入大學。知君臣之義。上下之位。故為君則君。為臣則臣。為父則父。為子則子。

漢章帝東巡狩。還過魯。幸闕里。以大牢祠孔子。及七十二弟子。作六代之樂。大會孔氏男子二十以上者六十三人。命儒者講論。孔僖因自陳謝。帝曰。今日之

會寧於卿宗有光榮乎。對曰。臣聞明王聖主。莫不尊師貴道。今陛下親屈萬乘。辱臨敝里。此乃崇禮先師。增輝聖德。至於光榮。非所敢承。帝大笑曰。非聖者子孫。焉有斯言乎。遂拜僖郎中。

唐太宗增創學舍一千二百間。國學太學四門。亦增生員。其書筭各置博士。凡三百六十員。其屯營飛騎。亦給博士。授以經業。高麗百濟高昌吐蕃諸國酋長。亦遣子弟。請入國學。國學之盛。近古未有。

宋仁宗時。判國子監王拱辰。田況。王洙。余靖等。言漢

太學二百四十房。千八百室。生徒三萬人。唐學舍亦千二百間。今取才養士之法盛矣。而國子監才二百楹。制度狹小。不足以容。詔以錫慶院爲太學。置內舍生三百人。

宋神宗令太學置八十齋。齋容三十人。外舍生二千人。內舍三百人。上舍生百人。歲一公試。補內舍生。間歲一舍試。補上舍生。封彌謄錄。如貢舉法。外舍試入第一第二等。升內舍。內舍試入優平二等。升上舍。上舍分三等。俱優爲上一。優一平爲中。俱平若一。優一

否為下。上等命以官。中等免禮部試。下等免解。胡瑗為湖州教授。訓人有法。科條纖息。備具以身率先。雖盛暑必公服坐堂上。嚴師弟子之禮。視諸生如子弟。諸生亦信愛如父兄。從之遊者常數百人。時方尚詞賦。湖學獨立經義治事齋。以敦實學及興太學。詔下湖州取其法著為令。

朱熹曰。小學教之以事。大學教之以理。已上二史

養老之禮本紀

凡養老有虞氏以燕禮。夏后氏以饗禮。殷人以食禮。周人修而兼用之。凡五十養于鄉。六十養於國。七十養於學。八十拜君命。一坐再至。九十者使人受。五十異粢。六十宿肉。七十貳膳。八十常珍。九十飲食不違寢。膳飲從于遊。六十歲制。七十時制。八十月制。九十日修。惟絞給衾。冑歿而後制。

五十始衰。六十非肉不飽。七十非帛不煖。八十非人不煖。九十雖得人不煖矣。

五十杖于家。六十杖于鄉。七十杖于國。八十杖于朝。

九十者。天子欲有問焉。則就其室。以珍從。

七十不俟朝。八十月告存。九十日有秩。

五十不從力政。六十不與服戎。七十不與賓客之事。

八十齊喪之事弗及也。

五十而爵。六十不親學。七十致政。凡自七十以上。惟

衰麻為喪。

凡三王養老。皆引年。八十者一子不從政。九十者其家不從政。

有虞氏養國老于上。庠。養庶老于下。庠。夏后氏養國

老于東。序。養庶老于西。序。殷人養國老于右。學。養庶

老于左。學。周人養國老于東。膠。養庶老于虞。庠。

輕任。并重任。分斑白者不提挈。

君子耆老不徒行。庶人耆老不徒食。已上王制

凡養老。五帝憲三王。有乞言。五帝憲養氣體而不乞

言。有善則記之為惇史。三王亦憲。既養老而後乞言。

亦微其禮。皆有惇史。內則

大夫七十而致事。若不得謝。則必賜之几杖。行役以

婦人。適四方。乘安車。自稱曰老夫。于其國則稱名。越

國而問焉。必告之。以其制。曲禮

天子視學。大昕鼓徵。所以警衆也。衆至。然後天子至。

乃命有司行事。興秩節。祭先師先聖焉。有司卒事。反

命。

始之養也。適東序。釋奠於先老。遂設三老五更羣老

之席位焉。

適饌。省醴。養老之珍具。遂發咏焉。退。修之以孝養也。

反。登歌清廟。既歌而語。以成之也。言父子君臣長幼

之道。合德音之致。禮之大者也。

下管象。舞大武。大合衆以事。遠有神。興有德也。正君

臣之位。貴賤之等焉。而上下之義行矣。

有司告以樂闋。王乃命公侯伯子男及羣吏曰。反。養

老於東序。終之以仁也。已上文
王世子

尚齒之禮本紀

有虞氏貴德而尚齒。夏后氏貴爵而尚齒。殷人貴富而尚齒。周人貴親而尚齒。虞夏殷周天下之盛王也。未有遺年者。年之貴乎天下久矣。次乎事親也。朝廷同爵則尚齒。七十杖于朝。君問則席。八十不俟朝。君問則就之。而第達乎朝廷矣。行肩而不併。不錯則隨。見老者則車徒辟。班白者不以其任行乎道路。而第達乎道路矣。居鄉以齒。而老窮不遺。強不犯弱。衆不暴寡。而第達乎州巷矣。五十不爲甸徒。頒禽隆

諸長者而弟達乎獲狩矣。軍旅什伍同爵則尚齒。而弟達乎軍旅矣。孝弟發諸朝廷。行乎道路。至乎州巷。放乎獲狩。修乎軍旅。衆以義使之。而弗敢犯也。食三老五更于大學。天子袒而割牲。執醬而饋。執爵而醕。冕而總干。所以教諸侯之弟也。天子設四學。當入學而太子齒。天子巡守。諸侯待于竟。天子先見百年者。八十九十者。東行西行者弗敢過。西行東行者弗敢過。欲言政者。君就之可也。

壹命齒于鄉里。再命齒于族。三命不齒。族有七十者弗敢先。七十者不有大故不入朝。若有大故而入。君必與之揖讓。而後及爵者。已上祭義

鄉飲之禮本紀

鄉飲有四。一則三年賓賢能。二則鄉大夫飲國中賢者。三則州長習射。四則黨正蜡祭。

鄉飲酒之義。主人拜迎賓于庠門之外。入三揖而後至階。三讓而後升。所以致尊讓也。盥洗揚觶。所以致潔也。拜至。拜洗。拜受。拜送。拜既。所以致敬也。尊讓則不爭。潔敬則不慢。不慢不爭。則遠于鬪辨矣。不鬪辨。則無暴亂之禍矣。

聖人制之以道。鄉人士君子。尊于房戶之間。賓主共

之也。尊有玄酒。貴其質也。羞出自東房。主人共之也。洗當東榮。主人之所以自潔而以事賓也。賓主象天地也。介俛象陰陽也。三賓象三光也。讓之三也。象月之三日而成魄也。四面之坐象四時也。

天地嚴凝之氣。始于西南。盛于西北。此天地之尊嚴氣也。義氣也。天地溫厚之氣。始于東北。盛于東南。此天地之盛德氣也。仁氣也。賓者接人以義者也。故坐于西北。而坐介于西南。以輔賓主者。接人以仁者也。

故坐于東南。而坐俛于東北。以輔主。仁義接。賓主有事。俎豆有數。曰聖。聖立而將之。以敬。曰禮。禮以體長幼曰德。

祭薦祭酒。敬禮也。啻肺嘗禮也。啐酒成禮也。於席末言是席之正。非專為飲食也。為行禮也。此所以貴禮而賤財也。卒觶致實於西階上。言是席之上。非專為飲食也。此先禮而後財之義也。先禮而後財。則民作敬讓而不爭矣。鄉飲酒之禮。六十者坐。五十者立。侍以聽政役。所以

明尊長也。六十者三豆。七十者四豆。八十者五豆。九十者六豆。所以明養老也。民知尊長養老而後乃能入孝弟。民入孝弟出尊長養老而後成教。成教而後國可安也。

古之制禮也。經之以天地。紀之以日月。參之以三光。政教之本也。

烹狗于東方。祖陽氣之發于東也。洗之在阼。其水在洗東。祖天地之左海也。

東方春。春蠢也。產萬物者聖也。南方夏。夏假也。養之

長之假之。仁也。西方秋。秋愁也。愁之以時。察守義者也。北方冬。冬中也。中者藏也。是以天子之立也。左聖鄉仁。右義。偕藏也。

孔子曰。吾觀于鄉而知王道之易易也。主人親速賓及介而衆賓自從之。至于門外。主人拜賓及介而衆賓自入。貴賤之義別矣。三揖至于階。三讓以賓。升拜至獻。酬辭讓之節繁。及介省矣。至于衆賓。升受坐祭立飲。不酢而降。隆殺之義辨矣。

工入升歌三終。主人獻之。笙入三終。主人獻之。間歌

禮記卷之十一
五十五
三終。合樂三終。工告樂備。遂出。一人揚觶。乃立司正。焉。知其能和樂而不流也。

賓酬主人。主人酬介。介酬衆賓。少長以齒。終于沃洗者焉。知其能第長而無遺矣。

降說屢升坐。修爵無數。飲酒之節。朝不廢朝。莫不廢夕。賓出。主人拜送。節文終遂焉。知其能安燕而不亂也。

貴賤明。降殺辨。和樂而不流。第長而無遺。安燕而不亂。此五行者。足以正身安國矣。彼國安而天下安。故

曰。吾觀于鄉。而知王道之易易也。已上鄉飲酒義

讀法之禮本紀

正月之吉。州長屬民讀法。以攷其德行道藝而勸之。以糾其過惡而戒之。若以歲時祭祀州社。則屬其民而讀法亦如之。歲終則會其州之政令。正歲則讀教法如初。

鄉師正歲稽其鄉器。共吉凶。二服。閭共祭器。族共喪器。黨共射器。州共賓器。鄉共吉凶禮樂之器。二千五百家爲州。州有長。五百家爲黨。黨有正。百家爲族。族有師。二十五家爲閭。閭有胥。皆以歲時屬民。

讀法。州長則以正月及正歲。是一歲而再讀也。黨正則以四時之孟月。是一歲而四讀也。族師則每月而一舉行。是一歲而十二讀也。他如州長之祭祀州社。黨正之春秋祭禘。族師之春秋祭酺。其非時而讀法者。又。不止一也。

已上
周禮

